

裴文達公詩集

裴文達公詩集卷之四

雜題岱宗圖冊

紅門

我嘗東遊登岱宗其巔直與青天通初疑絕頂不可上  
仰頭太息迷仙踪忽悟升天有門戶涉足先須從低處  
亭臺迤邐坡隴平一行笑指紅門去

萬仙樓

人間何處求神仙蓬萊方丈俱茫然白日飛昇直遊戲  
神仙依舊還塵世綠窗朱戶垂丹梯高樓結構知幾時  
仙人居此復千載秦皇漢武空爾爲

水簾洞

曾有星槎到天上歸問君平語非妄故知河漢豈世間  
斗宿傍邊長蕩漾分流忽向此中來匹練垂空一千丈  
屬渠安穩下前溪莫向塵寰作波浪

歇馬崖

學海至於海學山至於山中間都無駐足處半途而廢  
古所歎斯時卻費躊躇力有路終當造其極鳥之將飛  
忽斂翼九萬里遙思一息

玉皇殿

天地之生惟一氣輕清者天濁者地伊誰主宰誰綱維

默運元化調四時人言上界足官府紫極仙曹定何所  
九開洞達開天庭冕旒端拱朝百靈

回馬嶺

山路紆迴凡幾曲裹糧擬就中峰宿忽逢九折驚倒人  
側隴橫岡斷還續僕夫執轡莫舉鞭但逢險處須周旋  
徐徐欲卻且復前回頭已到千山顛

御幃坪

眞宗封禪踵故事祕記天書出金匱當時御幃懸此間  
石壁摩挲認題字一峰屹立青夫容一峰橫插如屏風  
餘人瑣瑣不足誌誰與冊作大禮使

朝陽洞

齊州九點飛烟埃  
籠中日月吁可咍  
曉來一覺遊仙夢  
尋幽親入朝陽洞  
何年鑿此混沌痕  
直抉地肺摧雲根  
神仙洞府世莫識  
試看深處無人跡

南天門

兩旁鐵絙懸長虹  
三十六盤亘虛空  
中央一線微可通  
行人拾級路欲窮  
天門四扇開玲瓏  
繪圖五色紛青紅  
當關虎豹獐且雄  
似聞叱咤生雷風

白雲洞

烟非烟霧非霧  
洞中微茫不知處  
滃滃鬱鬱千頃平  
白

波重疊縱復橫本無定態乘風行我欲因之訪赤城

仙人橋

石梁廣處不盈尺苔痕蝕雨千層碧老翁自攜九節筇  
問渠過此將安適三山只在弱水東人間舟楫何由通  
憑誰笑指仙源路窳窳星橋逕先渡

孔子崖

登泰山而小天下我聞此語于子輿其上愈高下愈小  
以聞證見良非虛要知高處無窮極眼前大道如繩直  
千古何人復到來仰頭但睹蒼蒼色

後石屋

何年驅石到海東五丁開鑿誇神功藥鑪丹竈各位置  
居者毋乃浮邱翁莫問山南與山北誰升其堂入其室  
清風明月自去來千門萬戶何爲哉

扇子崖

月華拂袖雲生履座隅偏覺天風起莫愁高處不勝寒  
金丹換骨非凡髓雲爲車兮風爲馬障塵便面胡爲者  
回頭一笑謝世人石上題名記吾且

仙人影

惚兮恍恍兮惚往復來出復沒曾聞羽化而登仙至今  
隻影猶留傳仙人狡獪工爲此盡道不生亦不死年年

影入空明裏

竹林寺

山中自有清涼地  
瑤榜題爲竹林寺  
入山從古不厭深  
嵒然空谷希足音  
碧篠森森紛可數  
直教六月清無暑  
雲堂寂歷不逢人  
拂面好風吹作雨

白龍洞

山中水獨漉  
白龍澗底宿  
龍兮亦何物  
慎勿效魚服  
大  
人龍德古所傳  
易言能飛復  
能潛有時欠  
伸徐一起坐  
看爲霖潤千里

三賢祠



徂徠師友成千載勁節清規至今在敬瞻遺像生嗟吁  
當時飛語良紛如青天白日雷霆吼濁界妖氛復奚有  
遙遙直道屈更伸後來俎豆還何人

蔣靜存寄二絕句見招雨阻未克如約次韻答之  
拂簾絲雨細於絲寂寂虛堂起暮烟賴有詩來慰愁絕  
懷人吟斷九秋天

遠寺疎鐘斷續鳴市鐙初暗濕雲生閉門止酒新成頌  
不覓官廚阮步兵

靜存復示獨酌二詩再用前韻戲之

青綾寒重乍裝絲睡起薰鑪有篆烟一夜滴階聲到曉

好風吹出雨餘天

豪句琤琮每一鳴舊時飛動意橫生嘲君一語君嗔否  
便捉蕭郎作騎兵

三疊前韻答靜存

新詩切切語絲絲葉落空庭散綠烟咫尺衡門不相覓  
雁行嘹唳碧雲天

天風蕭槭向秋鳴一夕能教感慨生豈識道人新得力  
六塵不動守川兵

四疊前韻答靜存

世味經秋薄似絲故園茆屋老江烟一番鄉夢宵來覺

寒戀重衾欲雪天

莫擬寒蟬倚樹鳴  
濡毫吟興笑吾生  
可知詩律同軍律  
險韻頻拈一字兵

送涂石溪宣諭江南

聖代崇經術  
儒臣奉簡書  
衣冠千騎出  
禮樂百年初  
按部尊龍節  
觀風駐隼旟  
晚來甘雨降  
應逐使星車  
浩蕩見神州  
河聲日夜流  
魚龍空徙穴  
鴻雁易驚秋  
佇慰西成望  
先紓

南顧憂農桑  
兼孝弟一語是良謀

記取持盃語  
還須露冕行  
軒輜臨上國  
樽俎有高名  
注

吏鳴鉦發衙官負弩迎將何報

明主相送不勝情

次韻送張寶臣少宗伯

予告歸里

一笑翩然喜宦成  
麥秋時節暑風清

明廷屢緩還山勅  
老輩難勝揖別情  
調鼎有人畱坐論  
抽簪寧礙獨歸耕  
某邱某水欣無恙  
舊社雞豚約共迎

賦得輕烟浮草色

芳草當春發  
祥烟覆地輕  
迢迢濃淡影  
漠漠淺深情  
過雨縈初定  
含風染欲成  
年年

仙仗下長傍

玉階生

未央瓦硯歌

瑣窗清晝憑瀟灑  
硬黃搨本閒臨寫  
龍賓十二齊見前  
古硯摩挲未央瓦  
未央宮闕高重重  
炎劉鼎造蕭相功  
當年迴出雲漢上  
幾時墮入蓬蒿中  
祕久奇踪氣紆鬱  
汲水新磨手重拂  
西京往事莫更論  
此瓦還爲案頭物  
迢迢上溯三千年  
其他變滅埋荒烟  
問渠閱世何獨然  
評詩點易依聖賢

題錢舜舉秋江待渡圖

秋雨秋風未可期江頭欲渡尚遲遲似聞仙語操舟者  
莫恃波平浪靜時

和宗室塞曉亭閣學翰林院

賜宴紀

恩詩四首

師師多士贊

時幾更向

皇家見一夔赤縣轉輸旌節重

形墀立仗漏聲移流分渤海源頭水樹木崑崙頂上枝  
記得親承

天語切宗臣此是最能詩

小春晴晝裊游絲青瑣爲窗壁作池

詔下遙傳

仙蹕至

詩成遍遣侍臣知香稱百和初開鼎草擢三英獨挺芝  
此際何人誇特達黃門宣

勅奏名時

法醞名茶次第頒大羅天上衆仙班  
靡歌有喜文爲富  
琴舞無愆禮是閑雲向九霄憑跌宕峰成羣玉絕躋攀  
人間佳話從今說縹緲終同海上山

書陳中秘許嘗觀

賜紙名宣硯號端一卷都忘星歲改五湖不記水雲寬  
漸生手筆稀新句未老頭銜耐冷官珍重璠璣爛盈幅  
幾回吟罷和應難

題介受祉野園圖

人生樂事難相假出處殊途判朝野君胡以野名其園  
豈真託與林皋下一亭如笠剛容膝木石蕭疎少裝飾  
款戶山呈太古顏侵階草避行人跡有時退食來此中  
幅巾野服矜雍容古來大隱曾有此江湖廊廟將無同  
何必他年投老地數筆雲林聊寄意但教識得濂溪圖



不須更作平泉記  
清晨騎馬趨東華  
紅輪西墜仍還家  
家園出郭不數武  
春風秋月來無涯

西苑下直至涂石溪寓庭漫成四絕句

亂峰插徑闌干曲  
別樹臨流略彳斜  
誰信紫垣丹禁側  
居然風景是山家

大隱金門亦快哉  
好懷真覺爲君開  
幾年不作江鄉夢  
忽訝松風入耳來

六尺匡牀手一編  
禪家三昧小游仙  
人間信有清涼地  
借我虛堂半晌眠

荷樹遲遲看夕陽  
繞窗荷葉靜生香  
閒中識破坡公語

一日眞如兩日長

沈椒園侍御重新南池寺繪圖屬題得三絕句

錦官城外浣花翁踪跡平生類轉蓬  
今日南池重懷古  
新碑還臥夕陽紅

蕭條異代訂交時同是中朝老拾遺  
千載詩魂呼不起  
一杯村酒奠荒祠

鴛瓦鱗鱗又轉新畫圖更與細傳神  
遙知佳話流傳去  
已有他年配饗人

夜雪用東坡先生聚星堂韻

寒林颯沓飛黃葉一夜千山萬山雪  
推窗頓覺天宇寬

直拍闌干叫奇絕蒼茫歧路失三叉浩蕩危坡忘九折  
大地都教鏡面平縱有纖塵應時滅乍飛旋止勢轉佳  
澹月微籠風曳掣燭影鬪妍寒射屏酒波暈碧光凝纈  
有語欲吐難爲工比作春葩知不屑空中幻化誰爲之  
萬里紛飛見飄瞥聚星堂前景豈殊風流未遠欣重說  
當時禁體繼者希筆力慚余非屈鐵

冰牀

冰合河津迤邐長楸頭船子笑如牀乘風但欠一帆滿  
展簾平量六尺強望裏澄鮮平似掌鏡中空霽白於霜  
往來恰稱游人便錦纜徐牽大道旁

炙硯

硯蟾鵲眼香獸鷗鵠斑澹蕩日光曙婆娑人意閒瑤  
箋書未擘芸案句重刪賴此供揮灑相依几席間

盆梅

芳影依窗瘦簷光落几寒疎疎孤豔淨的的數花攢作  
供宜佳客標名稱冷官微吟知不厭長此得清歡

新麥

麥秋期近接餘春麥隴青青弄色新濃比綠楊看似畫  
嫩於芳草望如茵晚烟罩處搖絲雨晴旭烘時度麴塵  
澹池輕陰籠綺陌空濛佳氣被遙津霏霏隔樹深鶯囀

漠漠連畦野雉馴林外壺漿逢饁女水邊蓑笠見耕人  
魚鱗信起抽芒細龍骨聲停吐穗勻不獨郊原增浩蕩  
所欣民俗返和淳祥徵異畝登豐屢瑞表雙歧獻頌頻  
農扈慶成歌潤澤奉常修祀致明禋幽風入繪呈  
瑤殿無逸書箴泐

紫宸化日正長晝永瞻蒲望杏續茲辰

董東山爲勵衣園作三友圖張晴嵐添著色茶花  
戲題其上乙丑除夕前二日直廬作

八磚晝影斜金鋪捉筆合寫三友圖團團偃仰各有態  
竹旣君子松大夫冰花幾朶冒霜雪形容乃似山澤癯

其間山茶亦位置濃塗豔飾嬌吳妹翩然一笑來座隅  
歲寒心事差不孤羣公於此有意無問之不答同盧胡  
酒酣燭跋交履舄知須紅袖親相扶

歲宴述懷二律

冉冉流光忽云暮堂堂新歲行復來素琴挂壁罷三弄  
殘帙堆牀時一開貧賴故人分薄俸寒教稚子送深杯  
年年宦跡浮沉慣慚愧金門作賦才

數莖髭雪覺吾衰況復傷離首重迴江外雙魚音尙杳

隴頭一雁影堪哀

從兄叢南以秋仲之官朝邑甫十日而卒廣廷姪扶襯久無來耗故云

風鐙靜後畱寒焰鑪火燒餘悟劫灰自分疎慵更何補

濟時須仗出羣材

乙丑除夕卽事

七載條冰媿署銜又隨鴛侶拂朝衫功名幻似雪中爪  
歲月速於江上帆舊句未安憑易草鄉書初到喜開函  
韶華與我周旋處餞臘迎春紀大凡

裴文達公詩集卷之四終

裴文達公詩集卷之五

丙寅穀旦和周蘭坡學士六詠

竹葉青

牀頭潦倒臥長瓶三尺鐙檠照眼青  
賴有此君相慰藉爲言宜醉不宜醒

黃芽菜

風雪長安十萬家纍纍此物載盈車  
菜根滋味嘗來慣不怕寒冰戰齒牙

關東魚

年年秋思滿鄉關記得垂綸碧水灣  
今日盤餐轉惆悵



裴文達公詩集

江鱸風味杳難攀

太平鼓

傳得團團扇底聲不嫌聒耳聽  
鏦鏦良辰吉語相緣飾  
十字街頭報太平

銀燭

暗室相親最可人雙瓊琢出色如銀  
年時午夜朝天客  
賴爾清光穩照身

冰牀

小跣趺坐穩于牀十里銀塘灩灩光  
回首片帆相送處  
更無波浪異江鄉

元宵詩二首

入手揆摹弄彈丸張鐙時節鬪春盤圓勻直迸珠爲顆  
磊落還揉雪作團槐葉冷淘名士飲藤花傳飪腐儒餐  
未知風味當誰勝刻竹吟餘桂燼殘

范老清詞舊擅聲最宜三五錫佳名星毬疑向當筵落  
月鏡欣逢此夕盈說餅自來傳故事題糕聊復寄豪情  
一從開宴邀賓後列炬還同不夜城

用前韻再賦

稱名舊說是牢丸廚媪擎來又滿盤淪水氣蒸雲母屑  
流匙香泛粉花團佛鐙明際充朝供賓席陳時佐午餐

圓滿直同今夜月看渠何處有虧殘

九衢雜沓鬧春聲餅肆招邀列品名  
筠籠攜歸看的的雕盤傾出笑盈盈  
分嘗好作張燈會相餉依然餽歲情  
令節團圞聞吉語試聽絲管沸層城

春正齋居鐙下用周蘭坡學士祀竈元韻四首

隔街鳴柝夜傳更六尺匡牀二尺檠  
似鶴鐙前人影瘦聞雞枕上客懷驚  
署名久耐頭銜冷鍊句終慚手筆生  
檢點流光一彈指歲時毋乃太崢嶸

壯夫生恐負

清時拙宦惟甘百不爲每向陳編思  
往哲屢從枯筆得

新詩安心止水觀欹器閱世頽波比漏卮插架圖書五  
千卷故應收拾付家兒

漸覺星星髮點霜迎春餞臘且逢場幾人自脫囊中穎  
萬里難尋海上方但有身存原不礙莫言舌在便無妨  
舉頭一望青冥濶百鳥收聲讓鳳凰

淡薄生涯未是禪官如僧冷亦居然偶憑石上三生夢  
盡閱齊州九點烟七日復時葭管動一星橫處斗杓遷  
東風又作行人至敘別殷勤已隔年

題蘇子卿牧羝圖

黃沙漠漠天蒼蒼羣羊蜩縮難成行豈真執箠效驅策

易之詩集  
百折不死來此場餐糗噉雪易事耳誓與漢節同存亡  
千年絹素宛可識一再拂拭增慨慷當時聽得單于語  
分不生還漢家土誰言射雁上林中帛書姓字題蘇武  
兩家和好歸使臣屬國居然列樽俎是知冥漠通精誠  
何必羝羊不生乳何必羝羊不生乳嗚呼李陵計拙心  
獨苦

張晴嵐閣學哀辭十二章

乾坤豈遽喪斯人累日猶疑語未真及到總帷親一奠  
淚涔涔滴任霑巾

夙慧曾參大覺禪楞嚴一部早通元那知塵世須臾夢

畢竟終歸兜率天

鎮日玉皇香案吏

兩朝金殿掌書仙  
相公門第清如水  
退食常聞手一編

一代才名今已矣  
人生到此復何論  
曲江風度難忘卻  
遺草還能感

至尊

螭頭尚念揮毫捷  
豹尾猶思扈

駕勞

天語琅琅公聽否  
感深何止是吾曹

此際羊曇痛更深  
剎那便已歎人琴  
撫棺只有吞聲泣

唯恐重傷白髮心

館閣追隨自昔年法書名畫見流傳而今檢點成遺跡  
寶篋重開劇可憐

相期落落愈情親以我知公意獨真今欲有言無處達  
痛哉司命是何人

浮世榮名早棄捐知公于此已超然但餘

君父恩難報好結來生未了緣

遺文死有千秋命列爵生邀五等封莫道都爲身外物  
百年鼎鼎亦希逢

漫天風雪暗層城公向長空撒手行逝者不知生者慟

夜臺冥漠竟忘情

報國文章畱阿弟傳家經術付諸郎他年華表歸來日  
化鶴還應到帝鄉

和錢稼軒遊臥佛寺元韻

一官如擾禽啄此籠中粟託跡偶軒墀素懷本林谷往  
往看雲山微吟倚喬木側聞古旃檀近在香山曲聯轡  
翩然來題名刻脩竹上堂瞻金容鱗鱗覆深屋春花一  
任紅秋蘚幾回綠定後了不關孤眠穩雙目繫我兩三  
人下直快休沐便擬寄禪牀憑誰叩老宿

和張鏡壑庶常綠牡丹元韻



留春空費買春錢  
飛盡輕紅染綠天  
一朵忽從簾外墮  
碧闌干護曉痕鮮

帶露盈盈細坼苞  
花前握管列仙曹  
雲藍親署頭銜在  
第一推渠格韻高

洛陽舊譜擅花王  
不信人間別有芳  
除是木蘭舟上見  
春波一掬剪瀟湘

再三珍重小窗紗  
一斛明珠是此花  
金谷那能留得住  
向來痴絕阿奴家

柳線垂陰蕩遠空  
芭蕉庭院翠屏風  
晚來天氣涼如水  
付與輕烟淡月中

不關弄粉與調脂未落將開各有姿但是花期莫辜負  
綠袍人正少年時

送白環九侍御巡視臺灣

朝端嶽嶽惠文冠皎日盟心一寸丹使節重承

天語出征袍袖拂曉光寒南溟鱷早驚飛檄東海鼉應  
避掣竿到日無諸臺下水麥秋風信報平安

負弩縣官傳水遞持籌津吏測潮痕開帆捩舵舟師捷  
浴日吞天海若尊宗慤乘風原有願王尊叱馭許同論  
荷蘭只隔東西島一髮青山認廈門

賡廷姪從南來道由濟上出完卓亭河督新製二

章誦而愛之中夏直廬休沐晚窗微涼輒步元

韻

傳來佳句一軒渠幕府風流衆口譽蛟穴徙時鈴閣靜  
虎符閒處射堂虛烟凝棐几宵裁牘柳映牙旂曉拂輿  
九曲平安農事起排成新帙是公餘

刻藤光膩水紋鋪下直蕭然遂所圖鎮日清吟紆歲月  
有時飛夢繞江湖金門送客三年別錦字分箋兩地孤  
東閣好賢賓榻滿新詩還寄遠人無

客燕圖歌爲陳長卿賦

客舍東風歸寂寞簾空下顧影見單棲燕燕胡爲者天

泥日日尋主人烏衣染盡長安塵有時自來忽自去瞥  
然相見還相親梁間呢喃共慰藉花底下上同逡巡最  
憐此日懷中夢莫問他年掌上身處處珠樓垂繡戶管  
領春光誰是主王謝飄零門巷非回頭失卻銜泥路浴  
鵝池畔不堪論鬪鴨莊邊寧足數柳絮陰籠漠漠雲木  
棉花滴霏霏雨牆頭鶯嚀碧桃枝門外鴉啼烏桕樹社  
前社後翩翩來闖君簾幙未須猜蛛絲斷續罩琴匣蠹  
粉迷濛堆鏡臺鴛鴦自昔餘詩債鸚鵡于今擅賦材蕭  
騷此意誰堪說畫圖寫入供愁絕記得當年對語時年  
年長伴孤吟客

題陸包山仿王叔明高士聽泉圖

老龍夜吼濤聲起靜聽卻在松風裏  
鏦鏘淅瀝和者誰  
流泉一派清入耳洞庭毋乃仙樂張  
細叶宮商調角徵  
廣陵散絕經千年兒女箏琶徒靡靡  
幽人意態疇爲傳  
披圖云是包山子有元巨手數黃鶴  
曠代高情工寫此  
橫斜落紙遽逼真毫芒底用求形似  
莫言不見竝不聞  
有聲悟得無聲旨萬籟俱息山空空  
濺玉跳珠鳴不已  
何當譜入無絃琴志在高山在流水

題曹地山侍御書西池詩

嶽嵴歷落總能奇亂灑金壺注玉池  
俊極神鷹辭繼後

快哉天馬脫銜時，胷中五岳原如此。筆底千鈞信有之，若向先生問書法。車轟虵鬪盡吾師。

送張盛符之贛榆任

挂帆遙下鬱陵城，捧檄欣然此一行。父老遠思良吏至，簿書全賴長官清。雨昏海氣鹽田濕，木落秋風網戶晴。中澤頻年有鴻雁，到時親爲慰蒼生。

送王位公南旋

一巾一拂水雲身，四海飄然一隱淪。除卻君平無此輩，笑看唐舉爾何人。算窮坎止流行理，踏遍燕山楚水春。歸到匡廬峰下住，門前五老尚嶙峋。

題卻道久小照

與君相識今幾年  
長安人海車聯翩  
春風三月潞河道  
與君何意還同船  
篷窗示我好圖畫  
是誰點染鬚眉傳  
松耶竹耶翠交蔭  
坡陀坐臥如安禪  
君前待

詔侍金馬欲到此  
境何由緣蒙

恩今許返初服  
此境到眼爭相延  
虞山琴水我未至  
曾聞勝地多名賢  
況君更有肘後祕  
長生卻老窺元詮  
他時青鞋布襪我  
來訪看君童顏鶴  
髮登山渡水飄舉  
疑飛仙

裴文達公詩集卷之五終

裴文達公詩集卷之六

送同年沈歸愚少宗伯還里

兒時熟公名未嘗覩公狀初疑不得立世生把公詩卷  
徒惆悵竭來承明廬欣喜過其望長安詞客小兒曹競  
識朝端丈人行

帝闕四門誅蕩蕩金階玉玃排雲上賡句常移

御座蓮談經每放宮門仗尊鱸一日動鄉思巖壑平生  
有微尚

聖明詔許返初衣寮案人爭開祖帳清和四月風候佳  
扁舟南下乘新漲內官宣賜悉珍奇祕殿承



恩更酬唱後期有待伏生來

天子憑軒問無恙晚達如公古亦稀乞身還及身強壯  
鑑湖一曲寧足論香山九老誰多讓百年從此任逍遙  
越水吳山隨所向

和徐光庭同年韻題春宴圖贈行

同是天涯作客人輭紅塵土幾秋春相看共惜三竿日  
不朽還期七尺身撲面暖風斜帽影齊腰芳草碾車輪  
韶光似此須成醉況復春明話別晨

楊柳長隄更短隄悠悠世路東復西銅符笑署五花押  
銀漢羞附層雲梯青草湖頭浪花急黃陵廟前嵐色齊

宦遊萬里良不惡其厭格磔山禽啼

題張笠民一花菴圖

玉梅萬樹香風起千枝萬蕊卻相似一花菴在空濛裏  
未必能傳此雲封霧捲今幾年舊隱分明猶可指  
瓊瑤琢句冰雪胷何人得似張公子東華門外輭紅塵  
我更披圖悵無已虛說平生五岳游江鄉夢隔迢遙水  
書鄒小山所作殷女傳後

天風從何來四座寂無語迢遙大江南聽歌錫山女春  
光入庭戶燕燕將其雛爺憂母復歎顧影生嗟吁一女  
長適人一女侍親側暮景方崢嶸誰其報罔極季也跪

致詞勿以無兒悲願長侍親側親亦笑領之羅綺卻弗  
親鉛粉屏不御長齋佛一龕此是儂歸處鵲啼敗屋  
扁蝠飛空堂萱凋椿亦瘁聞之斷人腸鄰里久罷春行  
路心爲惻總帳夜鐙寒哀蟲長唧唧斷髮爲執紼負土  
爲成墳旁畱三尺穴異日同九原不作連理枝不化望  
夫石但願熒熒身長依父母魄誰歟傳其事嶽嶽廷尉  
公濡筆揮淋漓大義昭皇穹山色鬱蒼蒼江流清泚泚  
萬年又萬年視此弱女子

題程莘田學士綠雲借憩圖

閨風之宅在玉京箕星墮地臨前庭輪囷滃鬱相扶撐

國時羽葆搖空青聞道神仙無定所五十年間三易主  
尋也移家向此中一編攜就雲深處摩挲老樹生嗟吁  
浮世何者爲吾廬古言萬物皆逆旅張南周北聊相於  
借與殷勤意良厚年復年還落誰手忽向丹青圖不朽  
援毫此意人知否綠雲滿紙中有吾此境從茲屬吾有  
和張同年見懷元韻卻寄

已過中年日影西遙秋況值雨淒淒堂前乳燕離巢泣  
樹底寒蛩傍砌啼往事傷心塵世幻故人揮手夢魂迷  
拈毫待作平安字愁壓雙眉早覺低

好花幽鳥逐時新秋士何曾更問春明月到窗清不寐

涼風吹簟淨無塵整齊架上閒書帙料理江頭舊釣綸  
未報涓埃便終老我慚長作負

恩人

良鄉曉發

今年風雨調出郭欣所見流水作高塍分作東西堰  
秋麥已登場高粱青布野田父有歡顏倚杖茆簷下

過涿州

三輔名城第一關琉璃波淺戍樓閒西師撤後黃埃靜  
驛卒垂鞭放馬還

雄縣宿昆盧閣

道旁高閣出層層借我丹梯試一登  
日夜馬鈴車鐸裏此來深愧坐禪僧

開軒面面北風涼坐久兼聞過雨香  
消受人間清淨福徑攜襪被臥僧堂

馬上偶成

長隄楊柳去漫漫明月依人曉未殘  
少賤久於行路熟適來休作長官看  
壁間句每誇新得方外僧嘗訂古歡  
禹穴蘭亭吾夢寐要尋佳處一憑闌

驟雨

風來疑欲晴風定還成雨雨急風轉豪  
相將恐行旅萬

柳颯沓葉作波危橋欲墮泥盤渦僕夫執轡徐徐過有  
如一葦凌長河馬頭古驛距咫尺鞭馬欲前行不得須  
臾雨止風亦收遙天蕩作玻璃色世間變幻詎可常向  
來客子何倉黃

### 河間客舍

數日困于役孤懷遣未能攬衣時照燭搗管每妨蠅門  
掩穿檐雨塵昏倚壁鐙旅人無夢寐終夜屈長肱

### 自商家林四更起行

大道如繩我舊經每于十里一郵亭起涼游子起常早  
得路與人歌可聽拂地柳條橫礙馬隔村鐙火遠疑螢

商量明日陰晴事但候東方有曙星

入山東界志喜

適此樂國樂有餘去年所見今日殊去年父老形睢盱  
三步一仆號中衢去年子弟爲饑驅走死不望還鄉閭  
去年夫婦拋半塗抱兒棄之啼呱呱今日老翁藜杖扶  
倚簷捫腹閒捋鬚壯者在田荷犁鋤幼者在塾吟呶唔  
三三五五田家姝野花滿髻姣路隅去年桑柘餘枯株  
今日萬絲濃到膚去年無復園中蔬今日百物行趨墟  
一風一雨應候須云此稔歲昔所無我來駐馬立躊躇  
喜極不覺生嗟吁回頭卻展流民圖繼此以往當何如



二三良吏有意夫嗚呼二三良吏有意夫

礪山寺

山下紅塵十丈飛山頭濃綠萬松圍一聲清磬穿林出  
羨爾山僧靜掩扉

過泰安書事

我

皇巡狩舉虞典不襲玉檢金泥文去年我忝侍從列陪  
位親見封中雲茲來再過泰山下當時夏諺今復云白  
頭父老重告語歷歷往事誇前聞龍旗九旂何穆若直  
以精誠通冥漠七十二代空矯誣祝釐祈福神應忤閭

閤疾苦誰其憂

變與至日勤諮諏爲民請命他何求敷天大澤膏雨流  
豐凶隔歲迴不作頓使頽壤成青疇溝水漑漑雲油油  
二麥畢登慶有秋鷄豚里舍紛勸酬吾儕一飽歌以謳  
至尊何日來重游

楊柳店有晉太傅羊叔子祠蓋故里也讀壁間舊  
句云老決收吳策輒成長律

楊柳陰陰太傅祠行人下馬讀殘碑遺言杜預才堪代  
斂手張華計不疑我謂孫王歸洛後略如隋帝破陳時  
登牀若意何曾語下瀨樓船空爾爲

峒嵒驛追悼故司寇張涇南先生

回首依然斷臂僧雲間文敏有傳鐙書家久奉無雙興  
禪理會叅最上乘一代高名應不泯百年公論定誰憑  
可憐黯淡峒嵒驛感逝令人淚滿膺

避雨古城舊刹

馬蹄拔泥塗急投驛邊寺入門雨亦休清風灑然至庭  
花含便娟柏鬱蒼翠上堂禮眞容捫碑讀奇字誰安  
自在禪直到清靜地古殿鐘磬寒幽龕鐙火闕萬籟夜  
蕭蕭勞人轉無睡

王家營渡河

計程幾日穆陵關遙指青青擁髻囊書卷不曾拋遠道  
解香端爲禮名山一痕初日微茫外萬里長河決潏間  
津吏爲言舟楫具曉風輕颺去帆閒

過揚州

平山堂下昔來時話到三生舊牧之轉眼十年塵夢醒  
靑山人老鬢邊絲

十三樓月夜悠悠廿四橋紅宿雨收堠火漸微津鼓急  
一帆如葉下瓜洲

熱甚

遙指前山雲頻占過江雨近水不生涼來風偏送暑迢

追憶

關心鬱鬱懷人緒平江千里間夜泊知何所

過吳門擬至虎阜不果

埵影圓遮短簿祠十年前記舊題詩此來負卻重游約  
風雨篷窗夢見之

游石簀

石室金堂何處尋曹山南去寶山鄰舟緣絕壁自來往  
我與諸峰誰主賓懷古每諮前哲事署名倘示後游人  
最難忘處偏成憶他日懸知入夢頻

山陰道上

自笑茲游亦大奇扁舟三日越江湄有山盡入唐賢畫  
過寺先尋晉代碑橋外夕陽人影亂岸邊新水橈聲遲  
千巖萬壑吾親見不似居常耳食時

### 蘭亭

有亭翼然蘭渚之隈緬彼觴咏遐乎邈哉昔人旣遠後  
人未來仰觀俯察於焉徘徊

淥水泛靈液青岑納元景散策林木間萬慮倏以屏我  
嘗薄晉人此意徒耿耿瞻懷王內史微言發深省

### 南鎮告祭禮成恭紀

茫茫堪輿大禹跡行泥蹈水勞設施元圭旣錫輯羣后

大會玉帛茲山陞窺探策府出祕簡呼吸

帝座通靈祇揚州之鎮曰惟此亘萬萬禩開南維範金作  
像秩五等寶幡華蓋紛威蕤裏榮歷代有故事粵稽簡  
冊垂光輝上公奉職宅水土春秋饗祀禮則宜方今清  
平

天子聖八方拱受明堂祠玉壘千尋下飛將金川萬里  
來降旗

詔書尺一白

天出環海汪濊流春熙

重閣音號尊

母德

中宮攝位昭坤儀競上芝房寶鼎頌重賡清廟生民詩  
告諸

天

地播中外凡此大事神應知中朝

勅使奉龍節我亦鼓棹江之湄先時吉蠲潔心志凡百  
執事各有司九微鐙明樺燭燄肅將俎豆陳威儀質明  
東方日初吐香烟不動薰風吹雲來宛委結蝌蚪氣蒸  
覆鬴騰躡踞道旁田父釋耒起喜此盛典親見之南山  
獻作



天子壽野老意樸非祝釐禮成不敢褻

明命恭紀歲月鐫豐碑百年治洽禮樂備焜耀前古傳  
來茲右江左海作襟帶東流日夜無窮期歸舟更指武  
林渡回首天半青巍巍

蓬萊驛

帆引微風一櫂開水光和月共徘徊驛名亦署三山字  
不是仙舟不到來

聖因寺

自我不到西湖來茫茫人海首重廻有如故人別離久  
覩面頓覺襟懷開清波門前解行騎一棹菰蒲隨所詣

白鷗拍拍導我游  
繫船先入湖邊寺  
璇題瑤榜懸半空  
雲窗霧館飛玲瓏  
六十年來話遺事

先皇南幸畱行宮  
布金勅作化人宅  
賜與山僧開講席  
恆公一笑迎謂余  
曾似三生舊相識  
此中何處天風多  
欲縱遠目憑嵯峨  
丹梯不令下界隔  
循闌拾級緣崇阿  
南屏雨聲颯然至  
滃滃白雲接平地  
一壘雷峰墮渺茫  
橫空四面迷山翠  
長松謾謾飄笙簧  
澗泉激激鳴虛廊  
恍惚世外仙樂張  
六月無暑生微涼  
迴舟更泛空明裏  
潑玉跳珠猶未已  
素衣浣盡十年塵  
夜來枕簟清于水

岌光寺

到眼青山屬我曹  
兩峰南北勢爭豪  
幽崖自省尋門入  
絕頂方知占地高  
戶外泉飛初過雨  
松間風至忽聞濤  
坐來頓有出塵想  
擾擾人寰何太勞

設林邀同董浦幼魯竹田子才集白雲山房

覓得閒行及此辰  
眠流憩石脫冠巾  
游無次第惟乘興  
語雜談諧但率真  
詩舍聯成新舊雨  
山靈閱盡古今塵  
白雲與我周旋處  
明日重來跡已陳

清漣寺

何處堪消夏  
相將池上行  
層闌窮曲折  
一鏡展分明  
重以觀魚樂  
從來似水清  
滄浪無限意  
笑欲濯吾纓

同設林堇浦諸君泛湖至麴院風荷

湖上扁舟信所之但逢佳處坐移時最宜麴院臨流地  
冉冉湖風遞酒卮

荷花六月好風光不獨花香葉亦香妙處忘言心自領  
一番雨過得新涼

多謝羣公載酒船分題一一擘吳牋十年宦海恩恩過  
此會人間不偶然

晚來光景最分明蕩漾湖光別有情游舫盡歸人影散  
白鷗如雪點波輕

隱隱南屏度遠鐘湧金門跨斷橋紅入城復有無邊事

爭似湖頭作釣翁

飛來峰

雨止復山行芒屨亦已屢天風浩蕩來一爲埽宿霧青  
山如待人奇姿倏呈露雲林選佛場錫杖西僧樹云此  
靈鷲峰諦視何曾誤門外冷泉亭正值山佳處平時夢  
見之賞心今始遇剩欲著一言含情不能句朝夕一蒲  
團便擬十年住幻化恐有時彈指恆河數飛來是偶然  
莫使還飛去

踰棲霞嶺至無門金果諸洞

長松一路起天風石罅微微有徑通世上紅塵渺何許

從來不到此山中

入山深處得山多古木陰森隱薜蘿慚愧游人塵土面  
入門常恐老僧訶

鳳凰山看潮

江流羅刹繞城東南國山川在眼中騎馬獨來登絕巘  
倚闌孤嘯起長風怒凌巖背濤頭白光逼蛟宮日脚紅  
霸氣千年銷歇盡至今人說射潮雄

烟雨樓

五代遺踪剩此樓憑虛亭榭乍沉浮溟濛不辨樹頭日  
嘔軋遙聞湖上舟一片濃陰低覆水十分涼意遠生秋

米家書畫吾曾見落筆初酣墨瀋流

慧山泉用高青邱韻

一掬寒泉浸齒牙自

大題處紀光華

聖祖仁皇帝御書品泉二字泐石

潛通地脈滋靈液近

逼雲根泛雨花第二舊傳高士詠再三持向北人誇歸  
舟珍重連罍載欲試頭綱入貢茶

清漣寺觀東軒先生題壁大書

相公清況原如此愛此濠梁樂有餘小隊到時揮綵筆  
壁間畱得壁窠書

竹鑪歌

清溪曲抱煙中寺秋雨軒開見題字竹鑪製自僧眞公  
四百年來重遺器琅玕色染湘波紋翡翠斑流雲葉膩  
火候常教文武調象形直使陰陽備上人鄭重誇向儂  
卷如東筭披重重詩篇畫筆一一工就中七十餘鉅公  
九龍山人作圖始螭蟠小印猶猩紅淋漓幘首科斗篆  
乃是相國西涯翁獅子林清閼閣此地詞人矜述作其  
間彝鼎聞最多一瞥烟雲難似昨恆河沙數只剎那人  
間小劫嗟如何禪房清供長在榻豈有神物勞護訶我  
來對此重太息片時不惜千摩挲慧山泉水流清泚綆  
汲寒香煩佛子魚眼蠟眼莫細論謾謾風生到吾耳不



須眞汞燒丹砂不須太藥煎黃芽松毛拾得緩騰焰淪  
甌自點山中茶

秦園

往事幾興廢名園成古今水聲初到耳山色最關心依  
舊紅闌影重新碧樹陰遊人頻悵望曾荷

翠華臨

聖祖仁皇帝南巡駐蹕於此

舟中值大風雨戲作放歌

山色墮地雲模糊轟雷忽震雨點麤篷窗兀兀鎮掀播  
檣影亂戰風中蒲重湖不隔浩千里更從何處潛陽烏  
黑雲天半現鱗爪勢將下飲垂其胡舟人惶恐禱且拜

前邪後許聲相呼我方睡覺神蘊蘊酷暑一旦欣埽除  
滿浮大白起自壽浩歌直欲驚天吳平時動謂天宇隘  
對此茫茫瀉奇快銀河洗淨胃懷開癢倩麻姑爲搔背  
學仙從此恣飛行禮佛於今參自在向禽志擬五岳遊  
未如斯樂誠悠悠左拍洪厓右浮邱酒盃在手當中流  
掉頭徑去寧須悔肯教此意空千載釣竿惟擬掣鯨魚  
好挂雲帆截烟海

秋夜有懷同館諸公

孤懷入夜渺難裁魏闕迢迢望斗魁紅蓼花開秋意冷  
白蘋風急雨聲來舟橫一水聞吹笛燭跋三更罷舉杯

天上故人應念我桂芳時節待追陪

雄縣

疎疎楊柳蕩秋陰瑟瑟西風飄客襟人到中年易哀樂  
地非吾土倦登臨沙盤遠戍三關險浪拍危橋一水深  
北際南垂大如許夕陽千古此消沉

裴文達公詩集卷之六終

裴文達公詩集卷之七

正月六日行至河間值雪明日至獻縣雪未止作

歌記之

一冬少雪池不冰農家望澤愁滿膺蝗蝻入土暖難蟄  
生意未盡猶膏騰今朝凜冽寒氣勁朔風撼樹同雲興  
攬衣急起歡動色皚皚潑眼堆窗校屈指改歲纔五日  
節候仍作春前評以掌承之細可辨花原六出霏瓊翼  
肩輿兀兀出門去平鋪大野無歉盈高高下下眩銀海  
人在白玉壺中行明晨風定雪未止披拂崖岸填溝塍  
平時衡宇嫌偏仄曠哉直覺見未曾土膏微動地脈透

霈漑有跡聞無聲青旗次第出東郭百神司令先勾萌  
佇待清和當夏首坐收二麥豐年成昨者蒙

恩對宣室

清問所及心忤忤畿南奉使行幾日獲此良足誇初程  
鐙前呵凍擬草奏用慰

聖主祈年情太平何象此真象

天聽

天視惟精誠

錢稼軒閣學作江帆圖見贈併繫以詩瀕行未卽  
和答途次追次元韻卻寄

與君訂交如飲醇不妨一飲盡一石與君論詩如弈碁  
斂手推枰避強敵君兼餘事爲丹青片紙人間珍拱璧  
辱君作畫更作詩報之媿乏淺淺帛我本空疎百不能  
十載清班紆館職天街走馬喜聯鑣祕殿抽毫容接席  
力屏氣餒我自知念此多慚顏發赤茲行鄭重荷

帝恩客心已逐南飛翮回頭卻望鳳城高歲歲皇華賦  
行役舊題欲覓半有無勝蹟重尋感今昔誓將心跡託  
冰壺敢道文章提玉尺先民已遠不可招故人好在猶  
難卽深堂燭影夜向分耿耿寸衷忘豈得展君畫卷誦  
君詩頓使枯容改華色追隨願作雲與龍莫問東西暨

南北

上元節行次中山店作

馬蹄得得路迢迢  
忘卻春來第幾朝  
野市忽逢簫鼓鬧  
始知今日是元宵

漸老心情憶歲華  
晚投茆店似還家  
寒添鑪火微騰焰  
夜永檠燈細作花

身如梁燕朝朝出  
心比山雲日日閒  
魯酒一樽吾已醉

主人何事更相關

縣令以盤餐至

恩光天上一番新  
黃帕傳柑又此辰  
遙識玉堂春燕罷

賦詩還憶遠行人

過孟廟

敬瞻遺廟一嘖吁千百年來吾道孤天未願平終舍我  
王猶足用倘追吾翩翩濁世有公子落落人間無丈夫  
六國不曾成一事成陽宮殿久荒蕪

韓庄雪中望微山湖寄稼軒仍用前韻

界河一雪連三日磊砢不辨道旁石忍寒閉置車箱中  
風力播掀愁與敵舉帷忽覺倦眼開喜極勝獲千金璧  
輿人指點微山湖一片空明疑裂帛

盛朝地利公諸民藪澤不繫虞人職三三五五艇子搖  
半幅孤撐挂帆席船頭撒網船尾炊遠火如星燄微赤



水禽跼跼飛不高掠波斜去翩躚翾戀茲清景暫俄延  
笑指青帘慰于役人生適意能幾許後日視今猶視昔  
恨無鉅手李營邱爲埽鵝溪絹三尺故人珥筆白玉堂  
劇欲呼之遠莫卽世間好景只須與直恐重來摹不得  
前途千里且復行同雲黯霍天一色題詩欲寄更惆悵  
仰視征鴻空嚮北

宿州城北邂逅同年袁子才出示新什依韻答之  
車中遙指影躚躚忽訝相逢古道邊粗問行藏知大略  
諦觀顏色勝從前南來我愧山濤鑑北去君誇祖逖鞭  
後會分明仍有約歸程期在暮春天

爲汝臨歧特悵然茫茫塵海浩無邊幾番聚散三年裏  
一種悲歡十載前要地慎休輕託足畏途曾悔猛加鞭  
古來多少滄桑事身世悠悠合付天

再疊前韻呈同事邵贊村太史

朔風吹雪寒猶勁試問江南婀娜邊山好與人原有舊  
雲開如約忽當前直愁五色能迷目若說空羣媿執鞭  
桃李在門吾豈敢春來雨露總由天

年來使節堪誇處多在吳山越水邊南鎮烟霞生足底  
西湖絃管落樽前劇談往蹟頻揮塵笑指名園數舉鞭  
今日料量歡樂事治城還及豔陽天

與子才別兩日矣客舍見其題壁句因次元韻

漫天飛絮攪春情十日都無一日晴  
水亂虹橋迷古渡雲埋雉堞隱孤城  
故人已別心嘗惜舊壁來看眼  
釐明我正聳肩閒覓句不勞津吏遠相迎

曉起再用前韻

莫怪顛風太不情麥田宜雪未宜晴  
酒旗犯曉爭呼客樵擔衝泥早入城  
寒氣侵人吟正苦舊游如夢記難明  
一雙一隻道旁堠已去還來送復迎

浮橋

渡河無用愁無船千尋鐵鎖橫相牽  
朱闌欲斷行復聯

常山蛇勢走蜿蜒馬蹄隱隱卻更前誰歟捷足矜揚鞭  
前驅回首語後賢徐徐攬轡休爭先下臨不測之深淵

臨淮道中復疊前韻

春色于人尚有情雲開風定雪還晴客檣高下多離岸  
野市縱橫半繞城識路馬踪行曲折問程人語聽分明  
稍前便是淮南境到眼青山一抹迎

過臨淮三十里至總鋪寄兒子

我渡長淮來載指金陵去僮僕告我言古道相參互其  
旁達洪都是汝還家路汝別纔幾時昨者歲云暮汝來  
可尅期寧復煩顧慮奈我念汝心起伏費撐拄乃知至

性關此意難自喻我方侍高堂北望生躊躇去聲緬懷將  
母詩耿耿有餘慕

與邵薺村夜坐書事

蒼然夜色一鎧昏撥盡寒灰笑語溫晴雪氍毹堆屋角  
孤村零落抱山根平生不足惟思睡來日方長且閉門  
愁絕更無沽酒處兩人相對只空樽

將至株龍橋值雨

風聲撼樹宵尤猛雲氣連邨曉未開行路信難心久識  
看山最好客還來與人度隘常妨滑驟馱爭橋喜不猜  
自笑閒身無處著只餘吟苦費敲推

過滁州欲訪醉翁亭不果

不識醉翁亭我憶醉翁記行人歎怱怱未暇披圖志此  
亭定何許翁應聊寓意當時何長官容得醉翁醉醒者  
亦何爲人生忽如寄只餘環滁山今古良不異結習笑  
難忘一事煩郵吏遺碑尚有無爲揭坡仙字

亭記爲東坡先生書

向曾見之

度清流關

侵晨雨稍止言度清流關泉聲出石罅百步聞啾喧南  
唐餘舊壘設險凌千山慷慨一懷古事往難重論醉翁  
作守日已歎無能言況復數百載清風盪雲烟一寺當

絕頂直上勞躋攀松杉半欹側苔蘚紛斑斑平臨若無  
地側望忽見村茆檐白髮老拄杖攜兒孫道旁日無事  
心數行路人我方爲形役袞袞輪蹄間行者何擾擾居  
者何閒閒念此內自訟因之憶田園故鄉此不遠西顧  
愁我顏舉頭送飛鳥逸翮方翩翩

至浦口

佳哉遙指鬱蔥蔥虎踞龍盤果不同五夜濤聲喧枕上  
六朝山色到窗中寒暄遞變行程久昏曉平分氣候公  
時距春分二日草已抽青花待放過江何地不春風

排悶四首

有序

使客初至例有關防未晝寂然漫成雜詠明日  
試院紛紜重爲展視亦足見此時情抱也

晨起一無事虛齋冷欲冰苔紋沿砌面日影戀窗棧閉  
置如新婦蕭條似老僧我除閒覓句此外更何能  
一飽欣然後寧無媿素餐江魚初入饌春筍乍登盤風  
味眞吾土庖廚累長官悶來疏食譜畱待北人看

從前駒隙影回首歎怱怱細測陰晴日閒占向背風徐  
徐花意拆歷歷鳥聲通此境難多得勞生類轉蓬  
相隨形共影我與我周旋老樹聊爲伴停雲漫作緣尋  
思新歲序檢點舊詩篇默默愁將老孤懷一悵然



人試院作

虛堂縹緲啓春屏使客輶車此暫停城上山光如眼碧  
簾前草色似袍青是間不乏屠龍技顧我多慚相馬經  
腹有寸衷空洞在一池清水夜涵星

瓶梅四絕句

殷勤爲憶故園梅彈指東風十二回今日江南春已半  
膽瓶纔見一枝開

落落疎疎蕊不多窗前鎮日影婆娑愧無妙句相酬答  
爲爾孤吟筆屢呵

將舒尚斂微含態似有如無細認香悟到非空亦非色

晚來清夢海天長

姑射山頭萼綠華向來栽插傍誰家  
天桃穠李紛無數  
管領端推第一花

閱卷至夜分用前韻

奴子垂頭倦觸屏主人叉手筆方停  
漸看鬢影絲絲白  
愁對鎗光點點青  
不惜淒涼歌絕調何人辛苦抱遺經  
起占朗朗文昌位北斗傍聯第幾星

衡鑒堂口占呈贛村暨同考諸君子

一番菴榜向春開喜見諸生藁筆來  
天下文章無定論  
眼中場屋老奇才  
看朱成碧須詳審  
寫魯爲魚恐誤猜

忽憶牛衣相對日令人揮涕起徘徊

校閱粗竟慨然有作

卷如束笋字如蠅鉛槧紛紜力未勝入眼妍媸難自謝  
到頭得失定誰憑十年見獵心猶喜五夜聞雞意頗矜  
謬謂文章能報

國迄今垂老竟何曾

揭曉日示多士

門外青袍如立鵠用東坡句十年前記此間過自惟舊業成  
荒落端藉新知與琢磨卷裏蟲魚催我老榜中龍虎得  
人多只愁結就珊瑚網別有遺珠可奈何

桂花香發杏花叢一種東皇雨露功敢謂老夫親手植  
須知吾道此心同

四朝培養羣英出六代浮華往蹟空勉矣前途無限事鹿  
鳴歌闕莫怱怱

庚午秋聞舒雲亭以分校同事月餘屢有酬倡癸  
酉再爲浙行則雲亭已謝病在告揭曉後來晤  
見示新什仍疊前韻復之

持衡屢出愧量材公等還勞載筆陪湖水向秋如練淨  
吳山當面似屏開天香襲袂舒丹桂夜雨侵簾長綠苔  
回首三年成久別遠人依舊挂帆來

聚奎堂上集羣仙又是涼新暑退天相馬但愁空市骨  
得魚何敢竟忘筌鑑空喜值中宵月波短愁臨百尺淵  
記得當時辛苦意青衿一領棘闈邊

此邦信美舊堪憑見說材多歲益增一榜郊祁原間出  
竝生瑜亮不相陵文章戒託沿門鉢眼力須挑暗室鐙  
他日老夫林下去北溟鯢化看升騰

華國文章恐未然量材玉尺荷年年別裁僞體淵源在  
獨抱遺編意向偏勝地重來多舊好家音遙望少真傳  
小人有母懷思切細數歸程路幾千

明聖湖邊舊姓西風光佳處慙山棲更難跌宕追新賞

剝欲從容覓舊題作佛未能愁皓首昇仙何處指丹梯  
名場我亦無心與慚愧文光夜燭奎

眞成野馬與塵埃笑我三年去復來萬卷紛紜消短燭  
一秋心事怯深杯共知

上國需材急賴有羣公載筆陪回首只如昨日事一番  
齒榜又新開

桂花開後菊花香客思秋來一倍長跡比羚羊初挂角  
身如鴻雁又隨陽眼前黃卷經千選門外青袍列幾行  
檢點行裝無長物添君佳句重奚囊

過山陽和筱詮韻

解鞍僮僕喜古縣指山陽新米流匙滑長魚入饌香迢迢雙槳發緩緩一帆張形勢連吳越文章豔宋梁重來金粉地依舊水雲鄉極目官隄外湖波接混茫

輓周芑東太史

棘院深沉丙夜闌三條官燭影初殘老夫記得曾停腕

瑜亮同生次第難

庚午閏中得君與讓谷卷有瑜亮並生之目

老僧乍現宰官身初地重來遽返眞夜半濤聲催夢醒不知誰果復誰因

瘦削生成野鶴姿吟肩寒聳撚微髭今朝揮涕見君面不是亭邊問字時

芝蘭催折劇堪哀雲過三衢又不回

謂令兄松岩

地下相逢

應一笑脩文原是弟兄才

### 送張少儀之邵武任

詩人自古鮮宦達往往大府多雄才浣花老人號詩聖  
晚垂朱紱每自怡後五百年劒南出石湖倡和相追陪  
張公好句滿天下應

制名重黃金臺卻從幕下隨璩瑀不得朝右班鄒枚范  
陽掌記二十載一麾出守山城隈我攷放翁所到處閒  
中持節曾一來專城綰綬適此地遊踪巧合真奇哉時  
平際海盡耕稼三山彌望無纖埃觀風按部有餘暇定



知嘉譙陳尊疊雲烟盪胷語益妙無諸臺下花爭開莫  
釐香發荔枝醉父老競進千螺盃文章何必憎命達看  
君雙旌五馬行徘徊

壽黃太恭人

我方成童時橐筆從夫子長遊昆季間名誼相礪砥夙  
聞太恭人賢淑冠彤史姆訓嫺綺齡芳聲滿珂里三黨  
咸心儀二老爲色喜雍容閨門中笙簧叶宮徵德曜適  
相偕孺仲或堪擬吾師負壯游含豪侍金屐銜

命臨西江月朗秋晏裏王事不及私居猶等貧士恭人  
實相之排擋到簪珥家政手自操內則肅可紀德門晚

更榮荷天錫繁祉次第到孫曾一一聲華起三鳳先翩  
翩數比河東氏溫文民部公飲人以醇醴次君今黃門  
豸冠立黼辰身囊數上章中立無所倚太史承

明廷窮經幾伐洗一門盡簪纓而不耀青紫長安名利  
場瀟然出塵滓家學此彌昌母教由來美閩山高插天  
閩水清見底繞庭琪樹枝盈砌芳叢芷小春梅信風北  
堂香綻藥遙指寶婺星南極光有煒

和汪謹堂司寇行園雜詠

木蘭鮮平地山山勢如擁行人入蒼烟冠纓沒復聳大  
喙多興儻從官半散冗蒙古色目繁所見不一種策騎

裴文達公詩集

凌斷潢牽馳度高隴連綴若貫繩前止後稍壅出險路  
暫通避重聲忽湧書生厠其間駑駘勉爲駮鞭刀短後  
裝旁觀詫我勇西師動經年衣破履決踵佳問近雖頻  
危言先頗詢謬叨後載榮忝預晝接寵日夕望捷旗延  
竚立且拱

西人雜沓來先後相爲耦聯道近摩肩促坐密容肘塞  
上天氣佳嘉譙啓重九嘷喁語可通唯唯還否否雜劇  
呈內家當場小垂手塗抹分青紅裝束雜男婦禮數寬  
不拘謹哈誕罔咎黃幡綽者流爭妍亦可取最嗤降人  
奴手縛憎怪醜褌衣裹而前相持意赳赳習俗故選悞

氣勢甚軋軋連雞翼不飛鬪牛角相守兩雨馬滾塵百草恣躡蹂或如蜩縮毛時復蝸露首屢挫不爲嫌小勝未容狃彼哉徒區區其意則自負良久力不任稍定聞喘吼厥長坐視之左顧顏不忤

武帳羅華夷嬉戲不爲苟管之虞廷獸率舞爭抖擻聖朝文命敷以德漸服誘此中豈無才惟當別良莠士勇能知方行行寂不譁未明負燹出山路穿旁斜看城

黃幄張傳呼聲吾吾中道爲正兵兩翼分攔遮畫角一以動節鼓無煩撾逸虎竄且伏挺鹿吁而呀狗走巧搏

卷之三  
言集  
噬鷹飛工攫拏合圍整以暇置陣堅無瑕空騎行得得  
高旗樹衙衙但見雕弓彎不待金鎚過番王左右趨急  
事忘其家秋獮歲一舉節侯無訛差相如直豎儒諫獵  
空谷嗟

公詩於古人舉足近可躡握管我自慚籓籬苦未涉行  
圍多和章避舍敢鬪捷詩成互傳觀有時語或協瓊廬  
官務閒積久稿重疊往往把公詩誦之赤兩頰學步我  
何能視席喜相接珠玉爛盈紙行牋珍重挾強韻落未  
安吟苦低兩睫數典多荒疎撫事戒凌躡紀程質無文  
庶見懷抱愜

雪獅和韻

西園埽殘雪磔砢堆長坪因形試斲削肖物偏晶瑩殊  
姿與異制應手擬天成爲此毛羣特實藉水德精刻木  
瑰瑣細披圖遜崢嶸豈徒耳目玩耍令心膽驚冰痕翳  
雲葉玉屑飛瓊霏俯仰匪一狀顧盼騰雙睛氣勢震林  
麓光芒射機槍慎勿置闌阜寧堪受拘伴筋絡互糾結  
髣髴隱猙獰笑認石作虎噬彼麪爲牲雄心未跼伏逸  
態猶縱橫旁觀不敢指逼視誰能撓度野寒日暗踞地  
涼風生吼使銅柱折怒觸狼山傾巴蛇暨隋兕卻走同  
鼉鼉不聞林邑象弭耳如就烹奔騰絕域至蹴踏天衢

亨何當獻

宸廷表瑞歌時清

送陶毅齋出守柳州

嘗聞丈夫重意氣寧復跬步須追隨蘆溝橋頭一爲別  
珠崖象郡天之涯此邦古稱百粵地遠遁化外荒不治  
有唐之世尚險阻謫居往往空嗟咨宗元何人獨解事  
披歷變怪窮嶽崎當時述作自今在我每展讀開心脾  
江山如此筆力健藉爾欲吐胸中奇知君望古動遙集  
雖名異代如同時西堂黃柑夏的皦南樓綠柳還紛披  
時清地僻鈴閣靜手持金印臥治之

朝廷需賢念良守不久再召來

丹墀吟詩作記偶然耳要勒鐘鼎書豐碑茲行萬里莫  
辭遠一杯慷慨還相期

裴文達公詩集卷之七終